



Universitätsbibliothek Paderborn

**DE TRIBVS BONORVM || operum generibus,||
ELEEMOSYNA,|| IEIVNIO ET ORATIONE;|| deque eorundem
operum vi, vsu, & || ratione, LIBRI TRES,|| AVCTORE ||
THEODORO PELTANO SO-||cietatis IESV Theologo.|| AD ...**

Peltanus, Theodor Anton

Ingolstadii, 1580

Qvarti. De eleemosynæ neceßitate, siue de eo, quòd eleemosyna
generatim accepta interdum cadat in præceptum.

[urn:nbn:de:hbz:466:1-46891](https://nbn-resolving.de/urn:nbn:de:hbz:466:1-46891)

meminimus, e leemosyna magna erat: Neq; enim omnem, quem habebat, victum in gazophylacium conieciisset, nisi ingenti charitate & deuotione flagrasset. Ex tertio demum magna dicivaleret, et si istuc non admodum propriè, quæ gratos feruentesque sortitur precatores, vel quæ in hac, vel in altera vita liberaliter remuneratur.

C A E T E R V M magisne spectanda sit eleemosynæ quantitas ex animo, quam ex dono; an verò è diuerso, magis ex dono, quam ex animo, id regula, quæ nusquam fallat, tradi vix potest: Nam & dona plerunque sunt diuersa, & eorum, qui donant, animi & scopi plurimum sunt varij: Generatim tamen dici queat, si voluntatis propositum fuerit sanctum, & quod in eleemosynam exponitur, proprium, iustóq; titulo obtentum, in ratione meriti, eam maiorem censendam, quæ nascitur ex maiori fide & charitate: In ratione autem satisfactionis, quæ secundum se maior est: siquidem meriti qualitas, præcipue spectatur ex operis bonitate; satisfactione autem ex operis difficultate, vel ex molestia, quæ opera adiuncta est, magnitudine. Certum est autem eò unumquodque opus sanctius haberi, quò maiori charitate fuerit ornatum, eò autem difficilius, quò suapte natura fuerit maius. Patet itaque, unde eleemosynæ habeant, ut spiritalem effectum ex se producere valent.

De eleemosyne necessitate, sive de eo, quòd eleemosyna generaliter accepta interdum cadat in preceptum.

C A P V T Q V A R T V M.

DE rei eleemosynariæ utilitate actum est paulò ante, consequens nunc est, vt nonnulla quoque de eiusdem necessitate in medium adferamus. Quòd igitur pauperibus benignè facere, res sit non semper libera; ita vt quouis tempore & loco, & cù merito exerceri, & citra noxiam rursum omitti queat, id ex iis, quæ suprà, dū de misericordiæ & eleemosynæ ortu & natura disputabatur, perspicuum est. Si quidē inter externos charitatis actus, eleemosynam principatum tenere ostensum est. Cùm ergo proximi dilectio inter Euangeliæ legis precepta potissimum locum sibi vendicet, fit, vt ea omnia prece-

præcepti vim obtineant, citra quæ ea dilectio salua consistere non valet. At ea locum suum tueri nequaquam potest, nisi ita comparatisimus, ut & bene illi velimus, & benignè rursum, si necessitas id postulet, & adminiculandi facultas suppetat, eidem faciamus. Qui habuerit substantiam huius mundi, scribit Ioannes, & viderit fratrem suum necesse habere, & clauserit viscera sua ab eo, quomodo charitas DEI manet in eo? quasi dicat: nullo modo.

AD hæc certum est, nulli prorsus mortalium sempiterni ignis supplicium irrogari, nisi propter violatum aliquod præceptum: atqui supremo illo mundi die, plurimi ob neglectum eleemosynæ studium æterni ignis cruciatibus addicentur; planum est enim illud C H R I S T I: *Discedite à me maledicti in ignem æternum. Esuriti enim, & non dedistis mihi manducare: sitiui, & non dedistis mibi potum, hospes eram, & non collegistis me &c.*

H V I C loco cognatum est, quod de diuite epulone apud Lucam legitur. Nam et si luxus, quotidiana comesatio, cæteraque, quæ his adiungi plerunque solent, causam illius vehementer grauauerint, præcipua tamen damnationis illius causa extitit, summa eius in summè miseros duritia, & inclemencia.

S E D neque multum quoque ab hoc exemplo dissidet, quod de altero diuite apud eundem Euangelistam extat: *Quid faciam, aiebat ille, quia non habeo, quò congregam fructus meos. Et dixit, hoc faciam: destruam horrea mea, & maiora faciam, & illuc congregabo omnia, quæ nata sunt mibi, & bona mea. Et dicam animæ meæ: Anima habes multa bona, posita in annos plurimos, requiesce, comede, bibe, epulare.* Hæc diues ille prorsus insanè & stolidè. Vnde Basilius cognomento magnus: Non fuit memor communis naturæ; non putabat, superfluum in egenos distribuendum esse, nullam præcepti habuit rationem: *Ne absinges benefacere in opere, & eleemosynæ & fides ne deserant te. Et frangere surienti panem tuum.* Et omnes Prophetæ, & omnes Doctores vociferantes non audiebantur; sed horrea quidem propter repositorum multitudinem angusta disrumpabantur, parcum verò cor non replebatur.

D E N I Q Y E lex noua non minorem perfectionem & charitatem exigit ab homine Christiano, quam lex vetus quondam exigebat ab homine Iudeo, sed haec tenus maiorē, quatenus noua veteri multis partibus præstat: Atque Iudaïs non solum primitiæ,

Ea omnia cadit
in præceptum, ci-
tra quorum ob-
seruationem p-
roximi dilectio sal-
ua consistere nō
potest.
1. Ioan. 3.

Nemo damna-
tis nisi propter vio-
latum aliquod
præceptum.

Match. 25.

Cap. 16.
Diuiteum epulo-
nem non tam lu-
xus, quam immi-
serit cordia dana-
uit.

Luc. 12.

Orat. 1. ad diu-
nus
Eccles. 4.7.
Etai. 5.8.

Lex noua nō mi-
norē exigit per-
fectionē, quam
lex vetus; sed cer-
ta quædā ratione
maiorem.

D 3 com-

communesque decimae, & alia eiusmodi indicebantur; sed certe quoque eleemosynæ; compertum est enim illud Deuteronomij: *Non deerunt pauperes in terra habitationis tuae; idcirco ego præcipio tibi, ut aperias manū tuam fratribus egeno, qui tecum versatur in terra.* Engrauiissimum de egenorum sustentatione præceptum, quod eque strictè, vel strictius quoque; hac aetate obligat CHRISTI Sacramentis initiatos, atque olim obligabat Iudeos. Constat namque, quod de pauperum cura hic decernitur, non pertinere ad iudicia, vel ceremonias; sed ad legem morum, & placita naturæ. Quæ autem eiusmodi sunt, ea ad sui observationem obstringunt omnes; & eos certa quadam ratione amplius, qui maiorem fidei diuinæque gratiarum lucem hauserunt.

TRIBVS his argumentis plane inuictis addo, non eos solùm violati præcepti reos fieri, qui insontem, vel sotentem quoque; priuata authoritate occidunt; sed eos etiam, qui, quos poterant, & debebant, à morte non defendunt: Tales autem, communis sanctorum patrum sententia sunt, qui fame morientes, cum possent, non paucunt. Ambrosius: Pasce fame morientem; si non pauperis, fame occidisti. Gregorius: Qui commune dominum munus sibi vindicant, tot quotidie perimit, quot morientium pauperum subsidia, apud se abscondunt.

ADDO denuo, permultos passim tantis operibus affluere, vt in domesticum & necessarium usum omnes absumere nequaquam valeant; at verò quod ad familiam alendam, statumque honestè tenuendum absolutè est superuacanum; alteri autem, vt viuat, vel statui suo conuenienter viuat, simpliciter necessarium: hoc totum, si summis Theologis fides est, vt sancte magna est, non est occupantis, sed eius, cui ad naturæ, vel personæ sustentationem simpliciter est necessarium, adeoque certa quadam ratione violenter detentum est.

Sicut hi, d. 47. Ambrosius: Quod plus est, quam sufficeret sumptui, violenter detentum est. Hieronymus: Aliena rapere conuincitur, qui ultra necessaria sibi retinere probatur. Verum de duobus his argumentis paulò post ex instituto: Ut quæ rei eleemosynariæ summam quodammodo contineant.

Matth. 7. ADDO tertio & postremo graue præceptum (quippe quod legum, & præceptorum omnium basis & fundamentum existat) editum extare, quo id aliis præstare iubemur, quod nobis in pari periculo, casu, vel difficultate constitutis, ab aliis præstari merito optare.

Cxdis rei sunt,
qui cedē, quam
possunt, nō im-
peditunt.

Pasce, d. 86.
P. 3. cur. past.
adm. 22.

optaremus, vel iusto sanè titulo optare possemus. Cùm itaque accidere queat, vt in tale aliquod vitæ discriminem adducamur, vnde, nisi alterius ope erigamur, eluctari nullo modo valeamus, efficietur, vt nos quoq; (nī in naturæ legem committere fortè velimus) in simili vitæ, famæ, aut fortunæ discriminē vel difficultate hæren-

titibus, pro viribus opem ferre obligemur.

His rationibus maioris lucis roborisq; causa aliquot Patrum & Scripturarum sententias adiicere placet. Cyprianus igitur in oratione de opere & eleemosyna, inter cetera, ita scribit: Nunquā, fratres, admonitio diuina celsauit, quō min⁹ in Scripturis sanctis, tam veterib⁹, quām nouis semper & vbiq; ad misericordiæ opera, Dei populus prouocaretur. Et canente & exhortante Spiritu sancto; quisquis ad regni cœlestis spē instruitur, facere eleemosynam iubetur. & infrā: In Euangelio Dominus doctor vita nostre, & magister salutis éternæ, viuificans credentium populum, & viuificatis consulens, inter cetera sua mandata diuina & præcepta cœlestia nihil cœlius mandat & præcipit, quām vt insistamus eleemosynis dandis. Facit huc quoque illud Hieronymi:

Qui clementiam non habet, nec induitus est viscera misericordiæ, & lachrymarum, quamvis spiritale sit, nō implet legem CHRISTI. & illud Pelagij Pontificis Maximi: Qui negat, misericordiam faciendam necessitatem patientibus, ipsum CHRISTVM negat, qui est misericordia & veritas, & omnibus necessitatem patientibus subvenire iubet. & illud Ambrosij: Hec & alia officiorū præcepta propria sunt singulorum, misericordia communis est usus; ideo commune præceptum est. Omnibus ceteris, omnibus officiis necessaria est, & ab omnibus deferenda. & illud Augustini:

C A B T E R V M dispendium est magnum, si DEVUM de Dei dono promereri nolueris, aut cùm tibi Dominus ad hoc dederit, vt dispenses, eiusdem delegata non serues. Semper enim sua Dominus sibi dispensanda interim commendauit. De re sua pauperibus dare, præcipit, cur dantis iussum contemnis? cur Dominum iubentem dare non audis? Facile enim pecuniam acceptam poterit amittere, qui, quo accepit, in lucrum noluerit erogare. & illud Gregorij Magni:

D I C V N T quidam: concessis utimur, aliena non rapimus; et si digna misericordia retributione non agimus, nulla tamen peruersa perpetramus. Quod idcirco sentiunt, quia videlicet auræ cordis

Qui clement. d.
86.

Epist. 2.

In singulis d. 86.

P. 3. cur. paf.
admi. 22.

462-

Luc. 16. à cœlestibus verbis claudunt. Neque enim diues ille, qui induebatur purpura & byssō, & epulabatur quotidie splendidè, aliena rapuisse; sed propriis in fructuosè vīs perhibetur, eumque post hanc vitam yltrix flamma suscepit. & illud Gregorij Nazianzeni:

Ser. de pan. am.

CAETERVM multò magis mandato diuinō moueri debemus. Quodnam porrò hoc mandatum est? at videte, quæ so, quām constans sit, minimēque fucatum. Neque enim hominibus Spiritu sancto afflati satis fuit, semel atque iterum de pauperibus sermonem habuisse; neque quidam duntaxat de his rebus verba fecerunt, reliqui minimē, aut alij copiosiūs, alij parciūs, veluti de re non ita magna, nec admodum necessaria; verū & omnes in vniuersum, & sedulō quisque, & primū vel in primis ad eam rem nos exhortātur; nunc admonentes, aut comminantes; nunc exprobrantes; nonnunquam etiam eos, qui hanc virtutem assequuntur, laudibus efferentes, nimirum ut assida commonitione, nos ad præcepti huius expletionem inflament. & illud tandem Chrysostomi:

Hom. 34 ad Antio.

VIDEAMVS & huius mandati vim, & quantam potentię superabundantiam habeat liberalis eleemosyna, ut lucrum ex ea conflatum agnoscentes, eam promptè transfigamus. Nam fortè tanta est eius facultas, ut non solū peccatum deterget, verū ipsam quoque mortem effuget. EN omnes isti, pluresq; ex veteribus alij misericordiam diuinitūs præceptam asserunt.

PORRÒ autem Scripturæ, quæ præcepti speciem præseferunt, et si non omnes absolutè præcipiant, sunt quām plurimæ. Ex vtroque Testamento attingam nonnullas; scriptum est ergo: Si unus de fratribus tuis, qui moratur inter portas civitatis tuae, ad paupertatem deuenierit, non obdurabis cor tuum, neque contrahes manum tuam; sed aperies eam pauperi. item: Noli auertere faciem tuam ab ollo paupere. Si esurierit inimicus tuus, ciba illum; si sitiuerit, da illi aquam bibere. item: Frange esurienti panem tuum, & egenos vagosque induc in domum tuam: cum videris nudum, operi cum. item: Quod superest, date eleemosynam. Facite vobis amicos de mammona iniquitatis, date & dabitur vobis. Vendite, qua possidetis, & date eleemosynam. Facite vobis sacculos, qui non veterascunt. Estote misericordes, sicut & pater vester misericors est. item: Qui habet duas tunicas, det non habenti; & qui habet escas, similiter faciat. item: Diuitibus huius facili præcipe, non sublime sapere: neque sperare in incerto diuitiarum, sed in D E O viuo. Bene agere, diuites fieri in bonis operibus, facile tribuere, communicare,

thesau-

Deut. 15.

Tab. 4.

Prov. 25.

Ezai. 58.

Luc. 11.

Luc. 16.

Luc. 12.

Luc. 6.

Luc. 3.

1. Timo. 6.

thesaurizare sibi fundatum bonum in futurum, ut apprehendant veram vitam. Mitto reliqua, ne in re non prorsus ignota, iusto operosior videar.

CVM ergo Scripturæ & Patres eleemosynam dandam esse clament, pluresque graues rationes validè id confirment, nulla est causa, cur quispiam, eleemosynæ generatim accepta, sub præceptum cadat, in quæstionem vocet, aut quicquam omnino ea de re dubitet. Verum quòd non eadem omnium præceptorum sit ratio, neque eadem rursus omnium obligatio, res monere videtur, ut paucis hoc loco explicemus, quando, & quos, & quatenus præceptum illud obliget.

De extremæ egestatis casu, hoc enim occurrente, præceptum eleemosynarium obligare communiter dicitur. Discutitur hic quoq., num hic casus absolutam donationem semper exigat, an vero locationem, aut mutuationem interdum quoque admittat.

CAPUT QVINTVM.

VERVENIM VERO licet lex eleemosynam generatim indicet; attamen quòd hoc legis decretum, vnum ex eorum numero sit, quæ fieri aliquid iubet, adeoque non semper obligant; sed pro loci, temporis, & reliquarum circumstantiarum ratione tantum: ob id doctrinæ methodus postulare videtur, ut hinc ordine exponamus, quando, & quos obliget. Pendet autem nodi huius solutio maiorem partem ex diuitium, & pauperum qualitate, eorundemque inter se discrimine. Constat namque, non omnes, qui diuitium nomine veniunt, æquè opulentos esse; neque omnes rursum, qui pauperum appellatione censentur, æquè miseros esse.

ASSIGNANT autem, qui hac de re disputant, tres diuitium ordines, & totidem pauperum classes. Sunt enim diuites (quos pauperes rectius dixeris) qui id vnum possident, quod naturæ sustentandæ absolútè est necessarium: Siue qui vnum hoc solum in bonis habent, quo se suosque tenuiter alant. Sunt alij, quibus hæc ipsa, & ea præterea, quibus statum suum honestè tucantur, suppetunt:

Præcepta, quæ iubent, obligant pro circumstan-
tiarum qualitate.

Nec omnes diui-
tes æquè diuites,
nec omnes pau-
peres æquè pau-
peres.
Triplex diuiti-
ordo & status.